

四庫全書

集部

欽定四庫全書

御定佩文齋詠物詩選卷二百十

杖類

四言古

靈壽杖頌

魏王粲

茲杖靈木以介眉壽奇幹貞正不待矯輳據貞斯直植之爰茂

印竹杖銘

晉傅咸

嘉茲奇竹質勁體直立比高節示世矜式

叩竹杖銘

晉 蘇 彥

安不忘危任在所杖秀矣雲竹勁直篠蕩節高質貞霜雪彌亮圓以應物直以居當妙巧無功奇不待匠君子是扶道遙神王

靈壽杖銘

晉 王 氏

籊籊鮮幹秀彼崇嶸下澤蘭液上瑩芳霄貞勁內固鮮榮外昭耀質靈蒼作珍華朝杖之身安越齡松喬

五言古

送筇杖與劉湛然道士

宋 王禹偁

有客遺竹杖九節共一枝鶴脰老更長龍骨乾且奇我
問何所來來從西南夷因思漢武帝求此民力疲明明
聖天子德教嘉四維蠻獠盡臣妾縣道皆羈縻熒僮與
笮馬入貢何纍纍此竹日以賤輕視如蒿藜我年三十
七血氣未全衰況在紫微垣動為簪笏羈倚壁如長物
歲月無所施寸心空愛惜惜此來天涯忽承明主詔來

謁太乙祠再見劉先生氣貌清且羸持此以為贈所謂
得其宜少助橘童力好引花鹿隨步月莫離手看山聊
搯頤微物嬾致書故作筇竹詩

以黃子木拄杖為子由壽

宋蘇軾

靈壽扶孔光菊潭飲伯始雖云閒草木豈樂蒙此耻一
時偶收用千載相瘢痕海南無佳植野果名黃子堅瘦
多節目天材任操倚嗟我始剪裁世用或緣此貴從老
夫手徃配先生几相從歸故山不媿仙人杞

已師竹杖

宋文同

已師杖竒竹坐亦不去手循摩瑩且臙瘦骨何蚣螻叢
枝抱竒節兩兩相對走尋常出孤梢上下分左右如何
此獨異天產固非偶師初得之誰此實世未有不為師
所用亦共衆植朽願師勿棄置珍之比靈壽

七言古 附長短句

桃竹杖引

唐杜甫

江心蟠石生桃竹蒼波噴浸尺度足斬根削皮如紫玉

江妃水仙惜不得梓潼使君開一束滿堂賓客皆歎息
憐我老病贈兩莖出入爪甲鏗有聲老夫復欲東南征
乘濤鼓枻白帝城路幽必為鬼神奪杖劍或與蛟龍爭
重為告曰杖兮杖兮爾之生也甚正直慎勿見水踴躍
學變化為龍使我不得爾之扶持滅跡于君山湖上之
青峯噫風塵瀕洞兮豺虎咬人忽失雙杖兮吾將曷從

鐵拄杖

宋蘇軾

柳公手中黑蛇滑千年老根生乳節忽聞鏗然爪甲聲

四座驚顧知是鐵含簧腹中細泉語迸火石上飛星裂
公言此物老有神自昔閩王餉吳越不知流落幾人手
坐看變滅如春雪忽然贈我意安在兩腳未許甘衰歇
便尋轍迹訪崆峒徑度洞庭探禹穴披榛覓藥採芝菌
刺虎鏃蛟擲蛇蠍會教化作兩錢錐歸來見公未華髮
問我鐵君無恙否取出摩挲向公說

簫杖歌

元
楊維禎

空心勁草琅玕節瘦如筆枝赤如鐵壺公手中曾擲之

黃公石上飛星裂璣天道人雙眼青見之不減九節藤
神丁未闕混沌竅中有萬壑銅龍聲道人親鑿崆峒玉
九漏玲瓏尺度足黑蛇飛來膝上橫道人手中嘯鸞鵠
自言竒音不敢作寒星墮地風折嶽去年臺山解虎鬪
今年狼山敲多角鐵崖相見洞庭東腰間蘧佩蒼精龍
湘江兩脚吹雌風相呼道人木上座杖陂水拔鬚眉峯

阮將軍龍杖歌

明
王穉登

七尺天白藤千年石梁雪天矯欲飛騰支離半鱗甲樵

柯斲出空巖下風雷晝鳴虎嘯夜曳處常疑雲霧生植
來猶恐猿猱挂將軍家居南巷中一篋陰符四壁空何
人贈此作扶老青鞋白恰隨春風春風策入花源去仙
人正傍桃花住晴嵐撲衣瀑遶牀鶴巢生穀芝成樹廉
頗能挽弓三石充國平羌負奇畫何為將軍負杖行不
佩寶刀持畫戟馮唐老去未逢時立馬轅門弄柳絲隣
雨滴殘魚簾箭窗風吹裂螯弧旗雀羅當門印辭肘坐
覺紅顏成白首三百青錢杖上挑黃公壚頭醉春酒神

金定四庫全書
卷一百一
物從來盡有靈
延津曾見躍青萍
何必葛陂方化去
只今已作老龍吟

五言律

和徐法曹贈崔洛陽斑竹杖以詩見答

唐
盧綸

玉幹一尋餘
苔花錦不如
勁堪和醉倚
輕好向空書
採拂稽山曲
因依釋氏居
芳辰將獨步
豈與此君疎

答僧拄杖

唐
張籍

靈藤為拄杖白淨色如銀得自高僧手將扶病客身春
遊不騎馬夜會亦呈人持此歸山去深宜戴角巾

贈宗魯叩竹杖

唐李商隱

大夏資輕策全谿贈所思靜憐穿樹遠滑想過苔遲鶴
怨朝還望僧閒暮有期風流真底事常欲傍清羸

賦得長城斑竹杖

唐李頎

秦興版築時剪伐不知誰異代餘根在幽人得手持細
看生古意閒倚動邊思莫作鳩形並空傳鶴髮期

華頂杖

唐皮日休

金庭仙樹枝道客自攜持探洞求丹粟挑雲覓白芝
量泉將濯足闌鶴把支頤以此將為贈惟君盡得知

和襲美華頂杖

唐陸龜蒙

萬古陰崖雪靈根不為枯瘦於霜鶴脰奇似黑龍鬚
拄訪談玄客持看潑墨圖湖雲如有路無可到仙都

答匡山僧贈柳栗杖

唐曹松

栗杖出匡頂百中無一枝雖因野僧得猶畏嶽神知
畫

月冷光在指雲秋片移宜留引蹇步他日訪我幄

筇竹杖贈天聖長老仁公仁有詩次其韻

元趙孟頫

瘦節蒼骨聳臙膚黃玉溫苔間時卓地月下屢敲門持
贈松廬老攜尋水竹邨歸來倚空壁夜氣與俱存

以邛竹杖壽程孟孺母

明朱多烜

龍飛葛陂渚鳩刺漢王宮未若山中竹天然林下風一
枝供燕喜萬里自蠶叢歷盡我媚雪深知節操同

五言排律

紅藤杖

唐白居易

南詔紅藤杖西江白首人
時時攜步月處處把尋春
勁健孤莖直疎圓六節勻
火山生處遠瀘水洗來新
麤細纔盈手高低僅過身
天邊望鄉客何日挂歸秦

番禺杖

元王惲

異種來番國知名是老坡
杖材任操倚節目喜摩挲
尺度天然足柑黃氣色和
奇姿含海霧孤植暎江沱
物眇

離鄉貴材希審實訛聲音鏗爪甲鱗介訝蛟鼉鞭馭真
雷策批亢格魯戈重輕欣得所長短稱閒拖扶老攜行
便持危得力多金蛇僵自勁鮑背痒忘苛不自浮槎使
來從老伏波見歸情鄭重未許老婆娑入手嗟神物傳
看駭玉柯支頤迎月出橫膝伴詩哦選勝尋泉石窮幽
入薜蘿有時兒女觸却恐鬼神呵蓋節空筇竹神鋒黯
太阿笑揮堪解虎靜倚可降魔靈壽輕無賴梅條皺可
接花藤屈玳暈斑點慘湘娥桃竹那能比枕櫛未足歌

望塵甘却立，斂跡總無過。
用舍時當審，敲撞責果何。
更防雷雨夜，衝屋學陶梭。

七言律

樂全先生生日以鐵拄杖為壽

宋 蘇軾

先生真是地行仙，住世因循五百年。
每向銅人話疇昔，故教鐵杖鬪清堅。
入懷冰雪生秋思，倚壁蛟龍護晝眠。
遙想人天會，方丈衆中驚倒野狐禪。

其二

二年相伴影隨身踏遍江湖草木春
擿石舊痕猶在眼閉門高節欲生鱗
畏塗自衛真無敵捷徑爭先却累人
遠寄知公不嫌重筆端猶自幹千鈞

李郎中有詩謝寄藤杖仍次韻答之

宋何夢桂

海南覓得古藤枝持與詩人杜牧之
紫貝斑文鞭更爛赤龍蒼骨蛻尤奇
路無夷險終全節用有行藏一任時

非但與君扶脚力
鋤蛟刺虎要支持

梅杖

元 劉 因

鐵石心腸冰玉姿
掌中潛得歲寒枝
天教一握藏春密
風覓餘香就手吹
雪月冷懷隨步履
谿山高興入支頤
玉堂若要扶持用
說與東君也不知

湘竹杖寄無住

元 宋 无

采向湘江古廟邊
得來賈客木蘭船
老宜泉石搯慵態
吟稱煙霞倚瘦肩
宴坐夜和金錫憇
經行春卓紫苔穿

知師道價神龍護莫漫騰空去九天

梅杖

元
謝宗可

紫玉槎牙蝕蘚痕黃昏扶醉倍精神一枝冷曳孤山雪
七尺橫拖庾嶺春江路策雲香在手谿橋挑月影隨人
歸來却笑林和靖還現堂中上座身

龍杖

謝宗可

鱗甲先搖玉一枝幽宮躍出袖中持多因掌握提攜晚
休恨飛騰變化遲緩策不愁山雨濕醉橫長有野雲隨

會看挂壁風雷起莫待詩翁過葛陂

簫杖

明 丁敏

解谷新裁六尺形半含宮徵半扶行吹時只恐成龍去
策處常疑作鳳鳴挂壁影憐秦女瘦敲門音合舜韶清
月明挂向山壇上同和鈞天奏九成

新製方竹杖

明 吳寬

紫玉新裁恰過肩斑斑四面帶湘煙羸軀藉雨能扶直
巧手煩渠莫削圓世事固知方則止時人應道曲能全

此生得免模稜誚晚節相依尚挺然

五言絕句

紅藤杖

唐白居易

交親過澹別車馬到江迴唯有紅藤杖相隨萬里來

題柯敬仲雜畫

元虞集

昔過寶籥谷鉤衣石角斜擬尋龍作杖拾得上天槎

七言絕句

贈張駙馬斑竹拄杖

唐僧護國

此君與我在雲谿勁節奇文勝杖藜為有歲寒堪贈遠
玉階行處願提携

送佛面杖與羅浮長老

宋 蘓軾

十方三界世尊面都在東坡掌握中送與羅浮德長老
攜歸萬竅總號風

以拄杖供仁山主

宋 陳師道

洗足投筇只坐禪厭尋岐路費行纏老來閱盡人間事
不用山公更削圓

絕句

元黃潛

遙憶仙華鶴髮翁
清泉白石滿奇曾
若為此日千峯頂
更試平生九節筇

春日雜興

元僧善住

野塘風緊漲漣漪
桃李春寒發尚遲
山色晚晴青不了
倚筇忘却立多時

遊仙

明湯穎勣

鶴氅斜披出市喧
青霞窟裏聽啼猿
半酣騎著壺公杖

直遡黃河到水源

御定佩文齋詠物詩選卷二百十

欽定四庫全書

御定佩文齋詠物詩選卷二百十一

文具類

五言古

詠筆格

梁簡文帝

英華表玉笈佳麗稱蛛網無如絃制竒雕飾雜衆象仰
出寫含花橫插學仙掌幸因提拾用遂廁璇臺賞

裴侍郎湘川廻以青竹筒相遺因贈

唐
錢起

楚竹青玉潤從來湘水陰
絨書取直節君子知虛心
入用隨憲簡積文不受金
體將丹鳳直色映秋霜深
寧肯假伶倫謬為鸞鳳吟
惟將翰苑客珍秘瑤華音
長跪捧嘉貺歲寒慚所欽

七言古

訓字文少府見贈桃竹書筒

唐

李白

桃竹書筒綺繡文良工巧妙稱絕羣
靈心圓映三江月

彩質疊成五色雲中藏寶訣峨眉去千里提攜長憶君

西域種羊皮書褥歌

元 吳 萊

波斯谷中神夜語波斯牧羊俱雜鹵當道剗刃羊可食
土城畱種羊脰骨四圍築垣聞杵聲羊子還從脰骨生
青草叢抽臍未斷馬蹄踣鐵繞垣行羊子跳踉却在草
鼠王如拳不同老飫肉筵開塞饌肥裁皮褥作書林寶
南州俠客遇西人昔得手褥今無倫君不見冰蠶之錦
欲盈尺康洽年來貧不貧

五言律

詩牌

宋
林逋

矗方標勝概讀處即忘歸靜壁懸虛白危樓釘翠微清
銜時亦有絕唱世還稀一片題誰作吾廬水竹圍

詩筒

林逋

唐賢存雅製

元白唱和常以竹筒貯詩往還

詩筆仰防閑遞去權應緊

詩惟出
薛許昌

封廻債已還

詩債出
賈司倉

帶斑猶恐俗和節不辭艱

酒篋將書簾誰言季孟間

七言律

題飛伯詩囊

金李獻能

穎露毛錐祇自賢，智如樽腹但求全。
迂疎差似淵才富，羞澀猶無杜老錢。
收拾珠璣三萬斛，貯儲風月一千篇。
嘔心大勝奚奴錦，要與風人被管絃。

遠山筆架

痕字

元劉因

何物能支筆萬鈞，紫頭依約遠山痕。
燈橫煙影隱猶見，秋入霜毫勢欲吞。
掌上三峰看太華，人間一髮是中原。

中書未免從高閣不向林泉怨少恩

詩瓢

雨蔓霜藤老翠壺吟邊不是酒葫蘆剖開架上輪囷玉
著盡胃中錯落珠滿貯苦心留宇宙深歲精氣付江湖
誰家半腹能千首為問山人果在無

冰蟾

水滴也

為金齊賢賦

元

張翥

老蟾素魄稟金精千歲玻璃幻結成明月夜零陰隧凍
丹書秋滿肉芝生腹凝寒露藏虛白影入銀河浴太清

擬問嫦娥乞靈藥與君騎向廣寒行

水晶筆架

三峰近列硯池頭
光照文房爛不收
冰壑夜寒龍獨卧
雪山春暖兔羣遊
彩毫倚閣功應就
銀管依棲價未酬
別有珊瑚新琢樣
策勲畢竟是誰優

師邵出意作綸竿於牆上以便遞詩名曰詩釣

首唱一篇依韻奉酬

明

顧清

巧心文思孰兼長
詩釣詩成又幾章
千里浮沈謝江路

一竿風月共鄰牆君如緣木求魴鯉我正懷甑想珮璫
畢竟兩無名利念五湖煙水舊同鄉

書尺

文木裁成體直方高齋時伴校書郎坐攤散帙資彈壓
風動殘編待主張葉葉展舒迎雪牖行行指點照螢囊
但知持正無偏倚尺寸何勞計短長

五言絕句

書架

宋

王十朋


君富端不俗有錢長買書家藏三萬軸不怕腹空虛

七言絕句

槐木紙椎

宋林逋

入手輕乾是古槐幾聲清響徹池臺椎餘魚網如脂滑
時寫新詩更寄來



御定佩文齋詠物詩選卷二百十一

欽定四庫全書

集部

御定佩文齋詠物詩選卷二百十三

詳校官侍郎_臣李封

主事銜_臣徐以坤覆勘

總校官檢討_臣

何思鈞

校對官中書_臣

楊世綸

謄錄監生_臣

姚元烺

欽定四庫全書

御定佩文齋詠物詩選卷一百十二

玩具類

五言律

鏤雞子

唐駱賓王

幸遇清明節欣逢舊練人
刻花爭臉態寫月競眉新
暈罷空餘月詩成併道春
誰知懷王者含響未吟晨

七言律

觀琉璃瓶中游魚

唐徐夔

寶器一泓銀漢水
錦鱗纔動即先知
似涵明月波寧隔
欲上輕冰律未移
薄霧罩來分咫尺
碧綃籠處較毫釐
文翁未得沈香餌
擬置金盤召左慈

七言絕句

玉龍子

唐陸龜蒙

何代奇工碾玉英
細髯纖角盡雕成
煙乾霧悄君心苦
風雨長隨一擲聲

御定佩文齋詠物詩選卷二百十二

欽定四庫全書

御定佩文齋詠物詩選卷二百十三

飲具類

四言古

樽銘

漢
崔駰

惟歲之元朝會奉樽金罍犧象嘉禮具陳獻酬交錯萬國咸歡

樽銘

漢
李尤

樽設在堂以俟俊乂三山共承雕琢錯帶

五言古

詠瓢

唐張說

美酒酌懸瓢真淳好相映蝸房卷墮首鶴脰抽長柄雅
色素而黃虛心輕且勁豈無雕刻者貴此成天性

窠樽詩

唐元結

巉巉小山石數峰對窠亭窠石堪為樽狀類不可名巡
迴數尺間如見小蓬瀛樽中酒初漲始有島嶼生豈無

日觀峰直下臨滄溟愛之不覺醉醉卧還自醒醒醉在
樽畔始為吾性情若以形勝論坐隅臨郡城平湖近階
砌遠山復青青異木幾十株枝條冒簷楹盤根滿石上
皆作龍蛇形酒堂貯釀器戶牖皆罌罍此樽可常滿誰
是陶淵明

與禪師攜癭樽歸杏園聯句

唐

李益

千畦抱甕園一酌癭樽酒惟有沃州僧時過杏谿叟
追歡君適性獨飲我空口儒釋事雖殊文章意多偶

廣宣

酒中詠

唐
皮日休

酒船

剡桂復剡蘭陶陶任行樂但知涵泳好不計風濤惡嘗
行麴封內稍繫糟丘泊東海如可傾乘之就斟酌

酒鎗

象鼎格仍高其中不烹飪惟將煮濁醪用以資酣飲偏
宜旋樵火稍近餘醒枕若得伴琴書吾將著閒品

酒杯

昔有嵇氏子龍章而鳳姿手揮五絃罷聊復一樽持但
取性澹泊不知味醇醪茲器不復見家家惟玉卮

和襲美酒中詠

唐
陸龜蒙

酒樽

黃金即為侈白石又太拙斲得奇樹根中如老蛟穴時
招山下叟共酌林閒月盡醉兩忘言誰能作天古

酒鎔

景山實名士所翫垂清塵嘗作酒家語自言中聖人奇

器質含古挫糟味應醇惟懷魏公子即此飛觴頻

酒杯

叔夜傲天壤不將琴酒疎製為酒中物恐是琴之餘一
弄廣陵散又裁絕交書頽然擲林下身世俱何如

酒旗

搖搖倚青岸遠蕩遊人思風歌翠竹杜雨澹香醪字纔
來隔煙見已覺臨江遲大旆非不榮其如有王事

獨酌試藥玉滑琰有懷諸君子明日望夜月庭

佳景不可失作詩招之

宋蘇軾

鎔鉛煮白石作玉真自欺琢削為酒杯規模定州瓷荷
心雖淺狹鏡面良渺瀰持此壽佳客到手不容辭曹侯
天下平定國豈其師一飲至數石溫克頗似之風流越
王孫詩酒屢出奇喜我有此客玉杯不徒施請君詰歐
陽問疾來何遲呼童掃月榭快飲及良時

七言古

附長短句

對芳樽

唐韋應物

對芳樽醉來百事何足論遙見青山始一醒欲著接甌
還復昏

瑪瑙杯歌

唐錢起

瑤谿碧岸生奇寶剖質披心出文藻良工雕飾明且鮮
得成珍器入芳筵含華炳麗金樽側翠竿瓊觴忽無色
繁絃急管催獻酬倏若飛空生羽翼湛湛蘭英照豹斑
滿堂詞客盡朱顏花光來去傳香袖霞影高低傍玉山
王孫彩筆題新詠碎錦連珠復輝映世情貴耳不貴奇

謾說海底珊瑚枝寧及琢磨當妙用燕歌楚舞長相隨

吳沖卿出古飲鼎

宋梅堯臣

精銅作鼎土不蝕地下千年鮮花罍腹空鳳卵留藻文
足立三刀刃微直左耳可執口可斟其上兩柱何對植
從誰掘得歸吳侯來助雅飲歡莫極又荷君家主母賢
翠羽胡琴令奏側絲聲不斷玉箏繁繞樹黃鸝鳴不得
我雖衰茶為之醉玩古樂今人未識

胡穆秀才遺古銅器似鼎而小上有兩柱可以

覆而不蹶以為鼎則不足疑其飲器也胡有
詩答之

宋
蘇軾

隻耳獸齧環長脣鶯擘喙三趾下銳春蒲短兩柱高張
秋菌細君看翻覆俯仰間覆成三角翻兩髻古書雖滿
腹苟有用我亦隨世嗟君一見呼作鼎纔注升合已漂
逝不如學鷓鴣夷盡日盛酒真良計

分寧大竹取為酒樽短脰寬大腹可容二升而

漆其外戲為短歌

宋
韓駒

此君少日青而臞邇來黑肥如瓠壺縮肩短帽壓兩耳
無乃戲學騶侏儒人言腹大中何有不獨容君更容酒
未須常要託後車滑稽且作先生友少陵匏樽安在哉
次山石曰空飛埃茅簷對客夜驚笑麴生叩門何自來
老向人間不稱意但覺淵明酒多味乞取田家老瓦盆
伴我年年竹根醉

陳新甫生日出紅玉杯飲為賦

元
陳旅

崑崙東阿含海日石中玉子如日赤神工夜發昆吾刀
剡作金杯盛酒喫蟠桃初開緱母家丹露滴如芙蓉花
廣陵公子酒如海年年顏色襯朝霞

紅玉杯為陳雲嶠太祝賦

元 吳師道

番人揀玉河源水夜候霞光矗空起將歸萬里售中州
琢刻為杯世無比截肪栗色非不奇雞冠通赤希見之
筵間乍置爭注目誰復更顧黃金卮小槽新壓真珠滴
擎向桃花花下吸但餘落日爭光輝未許妖姬比顏色

主人今代陳孟公閉門留客酒不空千金之裘五花馬
不惜買醉酬春風公侯家世多珍物獨寶此杯為故笏
華堂舞罷飲闌時什襲珍藏莫刊缺

五言律

詠柳少府山癭木樽

唐
李白

蟠木不雕飾且將斤斧踈樽成山嶽勢材是棟梁餘外
與金罍並中涵玉醴虛慙君垂拂拭遂忝玳筵居

酒席賦得匏瓢

唐
鄭審

華閣與賢開仙瓢自遠來幽林嘗伴許陋巷亦隨回挂
影憐紅壁傾心向綠杯何曾斟酌處不使玉山頽

和襲美訶陵樽

唐
陸龜蒙

魚骼匠成樽猶殘海浪痕外堪欺玳瑁中可酌崑崙
水繞苔磯曲山當草閣門此中醒復醉何必問乾坤

名酒

五言排律

賦得玉卮無當

唐
元稹

共惜連城寶翻成無當卮詎慙君子貴深訝巧工隳泛

蟻功全少如虹色不移可憐殊磔石何計辨糟醅江海
誠難滿盤筵莫忘施縱乖斟酌意猶得對光儀

七言律

荷杯

元
劉因

碧筩和露卷晴霞錦浪隨鯨落晚沙風趁歌聲來弄葉
酒知人意要浮花甯中壁立三峰玉醉裏神遊太乙家
明日清霜看紅翠人生容易鬢成華

桃杯

劉因

希夷尊俎永相望
混沌鑿開見此觴
金橘有天容逸老
青田無地避餘香
雲中招隱留仙掌
物外尋真得醉鄉
試向峨嵋問啼鳥
人間紅雨幾斜陽

橙杯

劉因

瀟湘千樹暮林平
風露詩腸快一傾
蜜戀金絲仍可意
香分綠蟻最關情
洞庭春色元無恙
南國幽姿謾獨清
惟辨海船千萬斛
棹歌和月卷江聲

賦西域鸚鵡螺杯

元王惲

老月淪精射海波珠繩分秀貫神螺鷗斑漬粉垂金薤
鸚喙嫌寒縮翠窠樽出癭藤紋浪異瓢成椰子腹空皤
飲餘疑與谿娘遇一笑相看發浩歌

酒旗

元謝宗可

水邨山郭酒初香紆影青青字一行壚畔低懸花霧濕
簷陰斜揭柳風涼指揮意馬衝愁陣搖曳心旌入醉鄉
惆悵步兵招不起半竿空自舞斜陽

夜光杯

明朱之蕃

髻螺盤繞隱東洋吸得瑤空寶月光
孕出圓珠能照乘剖開素質待飛觴
晶瑩絕勝金樽艷華彩渾添玉液芳
浮白江天遙騁望酒星垂耀正更長

五言絕句

詠山樽

唐李白

擁腫寒山木嵌空成酒樽
魄無江海量偃蹇在君門

荅釋子良史送酒瓢

唐韋應物

此瓢今已到山瓢知已空
且飲寒塘水遙將回也同

荅竇二曹長留酒還榼

唐李益

榼小非由榼星郎是酒星解醒原有數不用嚇劉伶

乞寬禪師廕山壘呈宣供奉李益

石色疑秋鮮峰形若夏雲誰留柰苑地好贈杏谿君

題採蓮舟杯

元程鉅夫

攀翻葉上露釀作杯中酒可能君不醉負此摻摻手

東華門偶述

明李夢陽

銀甕爛生光盤龍繡袂香但知從內出不省賜何王

七言絕句

寄兩銀榼與裴侍郎因題

唐白居易

貧無好物堪為信
雙榼雖輕意不輕
願奉謝公池上酌
丹心綠酒一時傾

其二

慣和麴蘖堪盛否
重用鹽梅試洗看
小器不知容幾許
襄陽米賤酒升寬

家園

白居易

籬下先生時得醉
甕間吏部暫偷眠
何如家醞雙魚榼
雪夜花時長在前

秘色越器

唐
陸龜蒙

九秋風露越窰開
奪得千峰翠色來
好向中宵盛沆瀣
共嵇中散闕遺杯

宮詞

宋
花蕊夫人

春日龍池小宴開
岸邊亭子號流杯
沈檀刻作神仙女
對捧金尊水上來

陸天錫夜宿茵閣追寄

元張雨

鶴臺遺民掩柴扃鴈門才子宿寒汀
恰有金華一尊酒且置茅家雙玉瓶

靜海偶書

明顧璘

紅燭當壚夜數錢驛亭四面綠楊邊
重來煙景渾依舊只認青帘記昔年

御定佩文齋詠物詩選卷二百十三

欽定四庫全書

御定佩文齋詠物詩選卷二百十四

釀具類

五言古

酒中詠

唐
皮日休

酒籥

翠篴初織束或如古魚器
新從山下買靜向甌中試
輕可網金醅疎能容玉蟻
自此好成功無貽我壘恥

酒牀

糟牀帶松節酒膩肥於罈滴滴連有聲空疑杜康語開
眉既歷後染指偷嘗處自此得公田不過渾種黍

酒壚

紅壚高幾尺頗稱幽人意火作縹醪香灰為冬醕氣有
鎗盡龍頭有主皆憤鼻儻得作杜根傭保何足媿

酒甕

堅淨不苦窳陶於醉封疆臨谿刷舊痕隔屋聞新香移

來近麴室倒處臨槽牀所嗟無比鄰余亦能偷嘗

和襲美酒中詠

唐陸龜蒙

酒籜

山齋醞方熟野童編近成持來歡伯內坐使賢人清不
待盎中滿旋供花下傾汪汪日可挹未羨黃金罍

五言律

自題酒庫

唐白居易

野鶴一辭籠虛舟長任風送愁還關處移老入閒中身

更求何事天將富此翁此翁何處富酒庫不曾空

七言律

夜聞竿酒有聲因而成詠

宋 蘇舜欽

糟牀新壓響泠泠歌枕初聞睡自輕
幾段愁悰俱滴破一番歡意已蕩成
空階夜雨徒傳句三峽流泉無此聲
只待松軒看飛雪呼賓同引甕頭清

糟聲同彥高賦

金 蔡松年

糟牀過竹春泉句他日人云吾亦云
自愛淳音舍太古

誰傳清溜入南薰
秋風幾共橙香注
曉月曾和鶴唳聞
我欲婆娑竹林國
洗空塵耳正須君

盧明之酒壚

元方變

懶作西風汗漫遊
歸謀諸婦此淹留
采花墩近初成酒
種秫田多早帶秋
燕領已空西塞夢
犢視莫遣遠山愁
滄江留得偏醒客
袖手時凭百尺樓

五言絕句

過酒家

唐王績

對酒但知飲逢人莫强牽倚爐便得睡橫甕足堪眠

御定佩文齋詠物詩選卷二百十四

欽定四庫全書

御定佩文齋詠物詩選卷二百十五

茶具類

五言古

茶簾

唐

皮日休

簾箒曉攜去，薦過山桑隄。
開時送紫茗，負處沾清露。
歇把傍雲泉，歸將挂煙樹。
滿此是生涯，黃金何足數。

茶甌

皮日休

邢客與越人皆能造磁器圓似月魄墮輕如雲魄起棗
花勢旋眼蘋沫香沾齒松下時一看支公亦如此

茶鼎

皮日休

龍舒有良匠鑄此佳樣成立作菌蠢勢煎為潺湲聲草
堂暮雲陰松窓殘雪明此時勺複茗野語知逾清

茶鼎

唐
陸龜蒙

新泉氣味良古鐵形狀醜那堪風雪夜更值煙霞友曾
過賴石下又住清谿口且共薦臯盧何勞傾斗酒

以椰子茶瓶寄德孺

宋 黃庭堅

炎丘椰木實入用隨茗椀譬如栲石砮但貴從來遠往
時萬里物今在籬落間知公一拂拭想我瘴霧顏

七言古

次韻董夷仲茶磨

宋 蘇軾

前人初用茗飲時煮之無問葉與骨寢窮厥味曰始用
復計其初碾方出計盡功極至於磨信哉智者能創物
破槽折杵向牆角亦其遭遇有伸屈歲久講求知處所

佳者出自衡山窟巴蜀石工強鑄鑿理疎性軟良可吐
余家江陵遠莫致塵土何人為披拂

七言律

貢餘秘色茶盞

唐
徐夤

捩碧融青瑞色新陶成先得貢吾君
巧剡明月染春水輕旋薄冰盛綠雲
古鏡破苔當席上嫩荷涵露別江濱
中山竹葉香初發清聖那堪中十分

次韻周種惠石鈇

宋
蘇軾

銅腥鐵澀不宜泉愛此蒼然深且寬蟹眼翻波湯已作
龍頭拒火柄猶寒薑新鹽少茶初熟水漬雲蒸鮮未乾
自古函牛多折足要知無脚是輕安

茶筴

元
謝宗可

此君一節瑩無瑕夜聽松聲漱玉華萬縷引風歸蟹眼
半瓶飛雪起龍芽香凝翠髮雲生脚濕滿蒼髯浪卷花
到手纖毫皆盡力多因不負玉川家

竹爐

明
韓奕

綠玉裁成偃月形偏宜煮雪向巖扃虛心未許如灰冷
古色人看似汗青偶免樵柯供土銚尚疑清籟和陶瓶
達人曾擬同天地上有秋蟲為篆銘

題真上人竹茶爐

明王紱

僧館高閒事事幽竹編茶竈淪清流氣蒸陽羨三春雨
聲帶湘江兩岸秋玉曰夜敲蒼雪冷翠甌晴引碧雲稠
禪翁託此重開社若箇知心是趙州

五言絕句

焙茶隲

唐
顧況

新茶已上焙舊架憂生醖旋旋續新煙呼兒劈寒木

茶竈

宋
朱子

仙翁遺石竈宛在水中央飲罷方舟去茶煙裊細香

雜詩

金
張建

瓦竈擔山泉石鼎煮巖菊燎以松桂枝清芬滿茅屋

七言絕句

春日行近山

元
黃鎮成

門外山童掃落霞問師還只在山家推窗引客雲邊坐
自扇風爐煮雪花

題扇

元
倪瓚

聽雨樓中也自涼偶停筆硯靜焚香君來為煮嵇山茗
自洗冰甌仔細嘗

次韻曹都水

倪
瓚

蕭閒館裏挑燈宿山罽重敷六尺牀隱几脩脩聽夜雨
竹林煙幕煮茶香

過山家

明
高啟

流水聲中響緯車板橋春暗樹無花風前何處香來近
隔崦人家午焙茶

御定佩文齋詠物詩選卷二百十五

欽定四庫全書

御定佩文齋詠物詩選卷二百十六

食具類

五言古

詠竹檳榔盤

梁沈約

梢風有勁質隨用道非一平纖方以文穹成圓且密薦
羞雖百品所貴浮天實幸承歡醕餘寧辭嘉宴畢

次韻荅吳長文內翰遺石器八十八件

宋 梅堯臣

山工日斲器殊匪事樵收掘地取雲根剖堅如剖玉食
具與果具待賓良有勗亦將茶具并飽啜時出俗公何
都贈予金多不入目我家固宜之瓦椀居漏屋得此尤
稱窮客來無不足唯應赤脚婢收拾怨常酷夏席堆青
蘘冬盤飮旨蓄竟無梁肉饌甚媿蕭家錄

五言排律

箸詩

章廟御題
限紅字韻

金 周 馳

矢束形何短，籌分色盡紅。
駢頭斯効力，失偶竟何功。
比數盤盂側，經營指掌中。
蒸豚挑項鬻，湯餅拌油葱。
正使遭饒口，何嘗廢直躬。
上前如許借，猶足沃淵衷。

七言律

次韻歐陽廣明以詩送鉢盂

宋

王廷珪

方丈盈前送八珍，山人不是此中人。
試尋僧鉢齋廚近，更喜園官菜把新。
秋滿城頭看落葉，風吹酒面已生鱗。
何時共過谿邊寺，雪夜扁舟發興頻。

七言絕句

憑韋少府乞大邑瓷枕

唐杜甫

大邑燒瓷輕且堅，扣如哀玉錦城傳。
君家白盃勝霜雪，急送茅齋也可憐。

西宮即事

元薩都拉

退朝西殿承平日，一片春雲奏鳳笙。
窄袖內官供玉食，却將黃帕覆銀鐙。

山居

元僧清珙

離衆多年無坐具入山長久沒袈裟單單有箇鐵鐺子
留得人間煮瀑花

御定佩文齋詠物詩選卷二百十六

欽定四庫全書

御定佩文齋詠物詩選卷二百十七

坐具類

四言古

牀几銘

漢

李尤

虛左致賢設坐來賓
筵牀對几盛養已陳
穀仁飯義枕典席文
道可醉飽何必清醇
西伯善養二老來臻

賦席

吳

張純

席為冬設簟為夏施揖讓而坐君子攸宜

書案銘

梁簡文帝

刻香鏤彩纖銀卷足照色黃金迴花青玉漆華映紫畫
製舒綠性廣知平文雕非曲厠質錦帷承芳綺縟敬客
禮賢恭思儼束披古通今察姦理俗仁義可安忠貞自
燭鑒矣勒銘知微敬勗

五言古

烏皮隱几

齊謝朓

蟠木生附枝刻削豈無施取則龍文鼎三趾獻光儀勿
言素韋潔白沙尚推移曲躬奉微用聊承終宴疲

詠席

謝朓

本生潮汐地落景照參差汀洲蔽杜若幽渚奪江離遇
君時採擷玉座奉金卮但願羅衣拂無使素塵彌

牀詩

梁宣帝

衡山白玉鏤漢殿珊瑚支踞膝申久坐屢好為頻移

詠胡牀應教

梁庾肩吾

傳名乃外域入用信中京足欹形已正文斜體自平臨
堂對遠客命旅誓初征何如溜館下淹留奉盛明

詠案

陳後主

已羅七姐滿兼逢百品易張陳荅贈言梁室齊眉席

同暢當詠蒲團

唐盧綸

團團錦花結乃是前谿蒲擁坐稱儒褐倚眠宜老夫惟
當學禪寂日夕與之俱

五言律

席

唐李嶠

避坐承宣父重筵揖戴公桂香浮半月蘭氣襲回風舞
拂丹霞上歌清白雪中佇將文綺色舒卷帝王宮

烏龍養和

唐皮日休

壽木拳數尺天生形狀幽把疑傷虺節用恐破蛇瘤置
合月觀內買須雲肆頭料君攜去處煙雨太湖舟

和襲美烏龍養和

唐陸龜蒙

養和名字好偏寄道情深所以親逋客兼能助五禽倚

肩滄海望鈎膝白雲吟不是逍遙侶誰知世外心

鼓子

私盍反
支起也

金周馳

勿以微材棄安危任不輕誰憐一片小能使四方平
几案由吾正盤盂免爾傾何當遇夷坦沈默更無營

七言律

題泗河中石牀

唐吳融

一片苔牀水漱痕何人清賞動乾坤
謫仙醉後雲為態野客吟時月作魂

李白杜甫
皆此飲詠

光景不迴波自遠風流難

問石無言邇來多少登臨客千載誰將勝事論

七言絕句

題畫

元貢性之

馬足車輪盡日忙夢魂不到水雲鄉
閒人自識閒邊趣
小簟疎簾坐晚涼

御定佩文齋詠物詩選卷二百十七

欽定四庫全書

御定佩文齋詠物詩選卷二百十八

寢具類

四言古

六安枕銘

漢
崔駰

枕有規矩恭一其德承元寧躬終始不忒

瓊材枕箴

漢
張紘

或或其文馥馥其芬出自幽阻升于檀茵允瓊允麗惟

淑惟珍安安文枕貳彼弁冠冠御于晝枕式于昏代作
充用榮已寧身興寢有節適性和神

五言古

詠帳

梁 沈約

甲帳垂和璧螭雲張桂宮隋珠既吐耀翠被復含風

白石枕

唐 錢起

琢珉勝水碧所貴素且貞曾無白圭玷不作浮磬鳴捧
來太陽前一片新冰清沈沈風憲地待爾秋已至璞堅

難為功誰怨晚成器比德無磷緇論交亦如此

齋中有獸皮茵偶成詠

唐 羊士諤

逸才豈凡獸服猛愚人得山澤生異姿蒙茸蔚佳色青
檀持與藉重錦裁為飾臥閣幸相宜溫然承宴息

呂居仁惠建昌紙被

宋 劉子翬

寒聲晚移林殘臘無幾日高人擁楮眠攣卷意自適素
風含混沌春煦回呼吸餘溫偶見分來自芝蘭室乍舒
魄流輝忽捲潮無迹未能澡余心媿此一衾白嘗聞盱

江藤蒼崖走虬屈採之霜露秋漚以滄浪色粉身從避
紆蛻骨齊麗密乃知瑩然姿故自漸陶出治物猶貴精
治心豈宜逸平生感交遊耳剽非無得精神隨事分內
省殊未力寸陰捐已多老矣將何及自從得此衾夢覺
常惕惕清如夷齊鄰粹若淵騫覲獨警發鏗錡邪思戢
毫忽勿謂絕知聞虛聞百靈集鼎鑪或存戒韋弦亦規
失則知君子惠所以勵蒙塞

賦永上人紙帳

明
高啟

剡藤裁素幬坐使諸塵隔冬室自生溫寒窗屢更白不
隨直省被長覆棲禪簞思曾雪夜時宿伴山中客

七言古

附長短句

鄭羣贈簞

唐韓愈

蘄州笛竹天下知鄭君所寶尤瓌竒攜來當畫不得臥
一府傳看黃琉璃體堅色淨又藏節盡眼凝滑無瑕疵
法曹貧賤衆所易腰腹空大何能為自從五月困暑濕
如坐深甑遭蒸炊手摩袖拂心語口曼膚多汗真相宜

日暮歸來獨惆悵有賣直欲傾家貲誰謂故人知我意
卷送八尺含風漪呼奴掃地鋪未了光彩照耀驚童兒
青蠅側翅蚤蟲避肅肅疑有清飈吹倒身甘寢百疾愈
却願天日恒炎曦明珠青玉不足報贈子相好無時衰

夜會問答

唐

皮日休

錦鯨薦

張賁問

碧香紅膩承君宴幾度閒眠却覺來彩鱗

飛出雲濤面

寄蘄簞與蒲傳正

宋

蘇軾

蘭谿美箭不成笛離離玉筋排霜脊千溝萬縷自生風
入手未開先慘慄公家列屋閑蛾眉珠簾不動花陰移
霧帳銀牀初破睡牙籤玉軸坐彈碁東坡病叟長羈旅
凍卧飢吟似飢鼠倚賴春風洗破衾一夜雪寒披故絮
火冷燈清誰復知孤舟兒女自嚶伊皇天何時返炎燠
愧此八尺黃琉璃願君淨掃清香閣卧聽風漪聲滿榻
習習還從兩腋生請公乘此朝閭闔

歐陽晦夫惠琴枕

蘇軾

中郎不眠仰看屋得此古椽圍尺竹輪囷獲落非笛用
剖作袖琴徽軫足流傳幾處到淵明卧枕綸巾酒新漉
孤鸞別鶴誰復聞鼻息齁齁自成曲

湖南有大竹世號貓頭取以作枕仍為賦詩

宋
韓 駒

湖南人家養狸奴夜出相乳肥其膚買魚穿柳不蒙聘
深蹲地底老欲枯誰將作枕置榻上擁腫似慣眠甍
慵便玉枕分已無孫生洗耳非良圖茅齋紙帳施團蒲

與我同歸夜相娛更長月黑試拊卧鼠目尚爾驚睂眄
坐令先生春睡美夢魂直繞赤沙湖更煩黃妳好看取
走入旁舍無人呼

紙帳歌和全初上人韻并簡劉光朝

元
陳泰

道人於事百不聞歲晚鶴骨誰相溫禪牀璽光薄如霧
宜月宜霜復宜露夢回蘄竹生清寒五月幻得梅花看
初疑脫膜輕無力一片凝秋剡中色道人巧手天機深

兩杵獨伴階蛩吟卷舒似聽桔葉音珍重莫遣煙煤侵
百年富貴誰能免錦幄彤廬語恩怨可憐老楮歲寒心
用舍在吾難自薦君不見燕山穹廬羶百幅狎坐圍春
醉紅玉道人不學製戎衣空煮南山卧茅屋安知幕天
席地一希夷長共青山白雲宿

警枕詞

吳越王錢鏐自少在軍中夜未嘗寐倦極則就
圓木小枕或枕大鈴寐熟輒敲而寤名曰警枕

元
楊維禎

不睡龍醒復醒珊瑚圓木搖金鈴五花寶簾芙蓉屏銅

盤雪粉香淺清樓牆銅彈飛霹靂夜半更奴起辟易圓
木功無與敵吳越封疆平地開四世三王安衽席

詠紙被

明龔詡

紙衾方幅六七尺厚軟輕溫膩而白霜天雪夜最相宜
不使寒侵獨眠客老夫得此良多年舊物寶愛同青氈
不論素罽出南海豈羨文錦來西川受用將圖此生過
爭奈義孫要與阿翁相伴卧阿翁夜夜苦丁寧莫學惡
睡驕兒輕踏破

五言律

牀

唐
李嶠

傳聞有象牀
疇昔獻君王
玳瑁千金起
珊瑚七寶裝
桂筵含柏馥
蘭席拂沈香
願奉羅幃夜
長承秋月光

旅枕

宋
孔武仲

旅枕春風底
脩然一夢驚
漏移清禁遠
天入小窗明
桂玉梁園費
山椒楚客情
蕭條過百五
猶有賣花聲

送椰心簟與劉使君

宋
戴復古

適有椰心席殷勤持贈君來從三嶼國織作五花文涼
暖宜冬夏清光隔垢氛桃笙與蘄簟優劣迥然分

五言排律

寄蘄州簟與元九因題

唐

白居易

笛竹出蘄春霜刀劈翠筠織成雙鎖簟寄與獨眠人卷
作筒中信舒為席上珍滑如鋪薤葉冷似卧龍鱗清潤
宜承露鮮華不受塵通州炎瘴地此物最關身

七言律

白角簾

唐羅鄴

疊玉駢珪巧思長，露華煙魄讓清光。
休搖雉尾當三伏，似展龍鱗在一牀。
高價不惟標越絕，冷紋疑是卧瀟湘。
杜陵他日重歸去，偏稱醉眠松桂堂。

以竹夾膝寄贈襲美

唐陸龜蒙

截得筼筤冷似龍，翠光橫在暑天中。
堪臨薤簾閒憑月，好向松窗卧政風。
持贈敢齊青玉案，醉吟偏稱碧荷筒。
添君野具教多著，為著西齋譜一通。

魯望以竹夾膝見寄次韻酬謝

唐
皮日休

圓於玉柱滑於龍
來自衡陽翠彩中
拂潤恐飛清夏雨
叩虛疑貯碧湘風
大勝書客裁成簡
頗賽谿翁截作筒
從此角巾因爾戴
俗人相訪若為通

白角簟

唐
曹松

角簟功夫已到頭
夏來全占滿牀秋
若言保惜歸華屋
祇合封題寄列侯
學卷曉冰常怕綻
解鋪寒水不教流

蒲桃錦是瀟湘底曾得王孫價倍酬

碧角簾

曹松

細皮重疊織霞紋滑膩鋪牀勝錦茵
八尺碧天無點翳一方青玉絕纖塵
蠅行只恐煙黏足客卧渾疑水浸身
五月不教炎氣入滿堂秋色冷龍鱗

紙帳

唐徐黃

為笑文園四壁空碎寒深入剡藤中
誤懸謝守澄江練自宿嫦娥白兔宮
幾疊玉山開洞壑半巖春霧結房櫳

針羅截錦饒他侈爭及蒙茸煖避風

紙被

徐夔

文采鴛鴦罷合歡細柔輕綴好魚牋一牀明月蓋歸夢
數尺白雲籠冷眠披對勁風溫勝酒擁聽寒雨煖於綿
五陵年少見皆笑却問儒生直幾錢

紙帳次柳子玉韻

宋蘇軾

亂紋龜殼細相連慣卧青綾恐未便潔似僧巾白氎布
煖於蠻帳紫茸氈錦衾速卷持還客破屋那愁仰見天

但恐嬌兒還惡睡夜深跣裂不成眠

送竹几與謝秀才

蘇軾

平生長物擾天真老去歸田只此身留我同行木上座
贈君無語竹夫人但隨秋扇年年在莫關瓊枝夜夜新
堪笑荒唐玉川子暮年家口若為親

菊枕

元馬祖常

東籬采采數枝霜包裹西風入夢涼半夜歸心三徑遠
一囊秋色四屏香牀頭未覺黃金盡鏡裏難教白髮長

幾度醉來消不得卧收清氣入詩腸

蘆花被

元
蘇爾約蘇哈雅

採得蘆花不浣塵翠蓑聊復藉為茵西風刮夢秋無際
夜月生香雪滿身毛骨已隨天地老聲名不讓古今貧
青綾莫為鴛鴦妒欸乃歌中別有春

紙帳

元
謝宗可

清懸四壁剡谿霜高卧梅花月半牀
繭甕有天春不老
瑤臺無夜雪生香覺來虛白神光發
睡去清閒好夢長

一枕總無塵土氣何妨留我白雲鄉

蘆花被

謝宗可

白似楊花煖似烘纖塵難到黑甜中軟鋪香絮清無比
醉壓晴霜夜不融一枕和秋眠落月五更飛夢逐西風
誰憐宿鴈江汀冷贏得相思舊恨空

竹夫人

謝宗可

宵次玲瓏粉黛羞宵征何必抱衾裯應無雲雨三更夢
自有冰霜六月秋盡節每曾陳諷刺虛心那解老溫柔

專房不怕蛾眉妒，只恐西風動別愁。

蘆花褥

元

吳景奎

搖落蘼葭白露霜，冰綃覆護帶幃張。
瓊臺積雪和煙凝，
去聲銀浦流雲入夢香。
失紉曾憐衣冷落，吐茵空染酒淋浪。
雁聲髣髴瀟湘夜，起坐俄驚月一牀。

鷺毛褥

元

曹文晦

野老鋪陳亦好奇，聚毛曾到蔡州池。
每思疊雪敷雲處，尚想眠沙泛浦時。
坐石未溫驚客至，累茵雖貴恐神疲。

正宜布被梅花帳
豆粥凝香起未遲

演法師惠紙帳

元張昱

銀燈夜照白紛紛
四面光搖白縠文
隔枕不聞巫峽雨
繞牀惟走剡谿雲
風和柳絮何因到
月與梅花竟不分
塞北江南風景別
却思羶帳舊從軍

紙帳

元陸景龍

谿藤擣雪淨無瑕
素箔圍風絕可嘉
夢入清虛明月照
倦遊廣漠白雲遮
繭窩春暖浮銀色
鮫室宵分散玉華

警鶴一聲天已豁老夫詩思繞梅花

竹簟

明
朱之蕃

紋如流水滑如脂一片清光漾碧漪涼思入帷移翠影
輕煙縈帳拂霜姿采真湘浦窗間夢寫興淇園枕上詩
欲避炎蒸何處是石屏橫展對芳池

紙帳

朱之蕃

慵飛兔穎厭塗鴉聯向書帷好蔽遮四面輕雲縈柏子
一窗斜月映梅花峭寒無隙難容入清夢常安不受譁

葆得氣完神亦固吳綾蜀錦為誰誇

決明甘菊枕

朱之蕃

警枕神勞石枕寒無如藥裏最相安剖來珠蚌光堪掬
採積金英秀可餐布被煖香欺錦帳竹牀清氣敵蒲團
休論返黑方瞳炯熟寢通宵即大丹

其二

夢醒化蝶尚蘊蘊腹坦肱橫兩足舒青炯雙瞳還映水
綠添短髮漸盈梳地鍾靈卉充高枕天付幽香媚隱居

供帳從今誇雅麗
牀頭閒却讀殘書

荅江似孫謝遺錦衾

明程嘉燧

曾無文綺贈交歡
聊爾同裯戀一寒
長枕正思裁十幅
高眠儘可擁三竿
休嫌吟苦蒙時汙
應笑書癡畫處刊
博得新詩酬錦段
衙齋傳比練裙看

其二

故衾何意託交歡
得共高人寤寐寬
不分秋風破茅屋
從教夜雪滿長安
空牀獨枕琴三尺
遠札相遺綺一端

早晚平津誰與報
布衣思庇九州寒

五言絕句

竹簟

唐
元稹

竹簟襯重茵
未忍都令卷
憶昨初來日
看君自施展

閔師自天台見寄石枕

宋
林逋

斲石自何許
枕之懷赤城
空廬復蕙帳
旦暮白雲生

七言絕句

贈元九文石枕

唐
劉禹錫

文章似錦氣如虹
宜薦華簪綠殿中
縱使涼飈生旦夕
猶堪拂拭愈頭風

酬靈符秀才惠枕

唐張祜

八寸黃楊惠不輕
虎頭光照簟文清
空心想此緣成夢
拔劍燈前一夜行

歌枕

唐鄭谷

歌枕高歌日午春
酒酣睡足最閒身
明明會得窮通理
未必輸他馬上人

已涼

唐韓偓

碧闌干外繡簾垂
猩色屏風畫折枝
八尺龍鬚方錦褥
已涼天氣未寒時

酬人寄簾

唐魚元機

珍簾新鋪翡翠樓
泓澄玉水記方流
惟應筠扇情相似
同向銀牀恨早秋

趙子充示竹夫人詩
蓋涼寢竹器憩臂休膝似
非夫人之職
予為名曰青奴
并以小詩取之

宋

黃庭堅

穠李四絃風拂席
昭華三弄月侵牀
我無紅袖堪娛夜
政要青奴一味涼

雜詩

金

王良臣

道人知我愛禪房
淨掃階前紫石牀
軟飽三杯風味好
脫巾和月臥昏黃

序山家幽寂之趣十首

錄一

元

葉顥

一任猿驚野鶴猜
老懷笑口要頻開
高眠蕙帳春風煖

不怕霜聲入枕來

楮帳

元 鄭允端

昔隨阿母上蓬萊
香氣如雲拂面來
今日夢中猶是見
梅花相對一牀開

客散

明 方太古

客散書堂秋日涼
山風吹雨葛花香
竹牀藤簟茶初熟
消受山人午睡長

吳越宮詞


明 范汭

千門斜日四窗星
山近簾衣分外青
侍女夜閒眠不穩
御牀圓枕綴金鈴

華頂

明僧大香

海色迢迢半紫氛
娑羅開落夏將分
道人清曉下山去
紙被一牀鋪白雲



御定佩文齋詠物詩選卷二百十八

欽定四庫全書

集部

御定佩文齋詠物詩選卷二百

十九至二十一

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣楊世綸

謄錄監生_臣周元梓

欽定四庫全書

御定佩文齋詠物詩選卷一百十九

雜器類

五言古

大食瓶

元
吳萊

西南有大食國自波斯傳茲人最解寶厥土善陶埏素
瓶一二尺金碧燦相鮮晶瑩龍宮獻錯落鬼斧鑄粟紋
起點綴花穗蟠蜿蜒定州讓巧薄邛邑關清堅脫指滑

欲墜凝瞳冷將穿逝哉賈胡力直致蛟鰐淵常嗟古器
物頗為世所捐襍衫易冠袞盤盂改豆籩禮圖日以變
戎索豈其然在時苟適用重譯悉來前大衆幸混一四
海際幅員縣度縛繩絙娑夷航革船鑿空發使節隨俗
混民編漢玉堆積笥蕃羅塞鞍韉城池信不隔服食奈
渠遷輪囷即上據鼎釜疇能肩挿葩奪豔冶盛酪添馨
羶當筵特見異博識無庸詮藏之或論價裹之猶吾羶
珊瑚尚可擊磧路徒飛煙彼還彼牙市我且我枯園角

端獨不出記取征西年

七言古

瓶笙

并引

宋
蘇軾

劉幾仲餞飲東坡中觴聞笙簫聲杳杳若在
雲霄間抑揚往返粗中音節徐而察之則出
於雙瓶水火相得自然吟嘯作瓶笙詩記之
孤松吟風細泠泠獨繭長綵女媧笙陋哉石鼎逢彌明
蚯蚓竅作蒼蠅聲瓶中宮商自相賡昭文無虧亦無成

東坡醉熟呼不醒但云作勞吾耳鳴

雨傘

元
薩都拉

開如輪合如束剪紙調膏護秋竹日中荷葉影亭亭雨裏芭蕉聲簌簌晴天却陰雨却晴二天之說誠分明但操大柄常在手覆盡東西南北行

五言排律

寄怪石石斛與魯元翰

宋
蘇軾

山骨裁方斛江珍拾淺灘清池上几案碎月落杯盤老

去懷三友平生困一簞堅姿聊自儆秀色已堪餐好去
顏卿舍憑將道眼看東坡最後供霜雪照人寒

七言律

寄錙合刷餅與子由

宋蘇軾

老人心事日摧顏宿火通紅手自焙小甌短餅良具足
稚兒嬌女共燔煨寄君東閣閒蒸栗知我空堂坐畫灰
約東家僮好收拾故山梨棗待翁來

瓶笙

元謝宗可

爐頭莫為熱中鳴且作松風入耳清
火候抽添成別調湯痕深淺變秋聲
誰知冷暖情難盡自為炎涼訴不平
何用絳脣吹玉管纖簧低咽夜三更

得飽菴雨筭詩輒次韻

明李東陽

結構親勞較短長棟材應不棄餘良
平分屋角三重溜巧借簷陰二尺涼
檻外青山猶可送簾前紫燕莫愁妨
從今穩作城東客雨笠煙蓑不用將

分詠藥曰

明沈周

山翁治藥斫雲根
枵腹中容海月吞
擣過砂牀剩金糝
煉餘石髓膩青痕
無銘錯認周王鼓
有竅真移玉女盆
採朮人來識清杵
數聲遙在杏花邨

七言絕句

移石盆

唐
陸龜蒙

移得龍泓激灩澦
寒月輪初下白雲
端無人盡日澄心
坐
倒影新篁一兩竿

御定佩文齋詠物詩選卷二百十九

欽定四庫全書

御定佩文齋詠物詩選卷二百二十

香類

五言古

同閣學士賦金鴨燒香

元虞集

黃金鑄為鴨焚蘭夕殿中窈窕轉斜月逶迤動微風綺
席列珠樹華燈連玉虹無眠待顧問不知清夜終

和虞先生箸香

元薛漢

奇芬擣精微纖莖挺脩直
炆輕雪消暎火細螢耀夕素
煙裊雙縷暗馥生半室
鼻觀靜裏參心原坐來
息有客臭味同相看終永日

七言古

附長短句

賦得香出衣

梁劉孝威

香出衣步近氣逾飛
博山登高用鄴錦含情動
靨比洛妃香纓麝帶絳金
縷瓊花玉勝綴珠徽蘇合
故年微恨歇都梁路遠恐
非新猶賢漢君芳千里尚
笑荀令止三

旬

燒香

宋楊萬里

琢斲作鼎碧於水削銀為葉輕如紙不文不武火力勻
閉閣下簾風不起詩人自炷古龍涎但令有香不見煙
素馨忽開茉莉坼低處龍麝和沈檀平生飽識山林味
不奈此香殊斌媚呼兒急取烹木犀却作書生真富貴

七言律

燒香

宋陸游

寶薰清夜起氤氲寂寂中庭伴月痕小斲海沈非弄水
旋開山麝取當門蜜房割處春方半花露收時日未暝
安得故人同晤語一燈相對看雲屯

魏城馬南瑞以異香見遺為賦

元毛麾

梅心蘭甲類元同氣壓荀家百和功借潤更煩纖手玉
出雲初試博山銅崇朝日下亭亭葢三月花間細細風
我有因緣在香火鼻端消息為君通

其二

二卉真香豈復加便宜編譜入雄誇
畱殘一點薔薇水幻出諸天蒼
蔔花佩帶正垂金鈿小熏爐孤起翠雲斜
金籠甲帳豪華事慚愧桑樞甕牖家

雲州道中數聞異香

元虞集

雲中樓觀翠岑巍載道飛香遠見招非有芝蘭從地出
略無煙霧只風飄玉皇案側當霄立王母池邊向日朝
却袖餘薰散人世九天清露海塵遥

龍涎香

元謝宗可

瀛島蟠龍玉吐凝
輕氛飛繞博山青
暖浮蛟窟潮聲怒
清徹驪宮墊睡醒
碧腦盈箱收海氣
紅薇滴露洗雲腥
雨窓篝火濃熏被
夢駕蒼鱗上帝庭

線香

明瞿佑

搗麝篩檀入範模
潤分薇露合雞蘇
一絲吐出青煙細
半炷燒成玉筋麤
道士每占經次第
佳人唯驗繡工夫
軒窓几席隨宜用
不待高擎鵲尾爐

香印

瞿佑

量酌香塵盡左旋曾煩巧匠為雕鐫
螢穿古篆盤紅燄鳳遶迴文吐碧煙
畫內僅容方寸地數中元有範圍天
老來無復封侯念日日移當繡佛前

燒香桌

瞿佑

雕檀斲梓樣新奇霧閣雲窓任轉移
金獸小身平立處玉人雙手並擡時
輕煙每向穿花見細語多因拜月知
有約不來閒凭久麝煤煨盡獨敲棋

齋居謝屠元勳送解家香

明 吳寬

坐來齋閣欲清心，忽對名香到夜深。
已似古人頻掃地，更無俗客共鳴琴。
煖煙盤曲絲縈碧，細屑圓成箸削金。
始信解家真得法，清泉餅莫送詞林。

印香盤

明 朱之蕃

不聽更漏向譙樓，自剖玄機貯案頭。
爐面勻鋪香粉細，屏間時有篆煙浮。
迴環恍若周天象，節次同符五夜籌。
清夢覺來知候改，褰帷星火照吟眸。

香篆

水沈初試博山時吐霧蒸雲復散絲忽漫書空疑錦織
相看掃素傍燈帷縈紆細縷蟲魚錯斷續殘煙柳薤垂
幾向螭頭聞闔殿羅襪攜出鳳凰池

五言絕句

寄南岳客乞靈光香

唐
陸龜蒙

聞說融峰下靈香似返魂春來正堪采試為斲雲根

賈天錫惠寶熏乞詩予以兵衛森畫戟燕寢凝

清香十字作詩報之久失此藁偶於門下後

省故紙中得之

錄五首

宋黃庭堅

石蜜化螺甲
楔檀煮水沈
博山孤煙起
對此作森森

其二

輪囷香事已
郁郁著書畫
誰能入吾室
脫汝世俗械

其三

牀帷夜氣馥
衣桁晚煙凝
瓦溝鳴急雪
睡鴨照華燈

其四

雉尾映鞭聲金爐拂太清班近聞香早歸來學得成
其五

衣篝麗紈綺有待乃芬芳當念真富貴自熏知見香

香

金
李俊民

小炷博山鼎半殘心字灰遊蜂何處客應為百花來

焚香

明
高啟

斜霏動遠吹暗馥留微火心事共成灰牕間一翁坐

六言絕句

金匱要略
卷一百一十一
和黃魯直燒香

宋蘇軾

四句燒香偈子隨香徧滿東南不是聞思所及且令鼻
觀先參

有惠江南帳中香者戲贈

宋黃庭堅

百煉香螺沈水寶熏近出江南一穗黃雲繞几深禪想
對同參

其二

螺甲割崑崙耳香材屑鷓鴣斑欲雨鳴鳩日永下帷睡

鴨春閒

子瞻寄和復答

黃庭堅

置酒未容虛左論詩時要指南迎笑天香滿袖喜公新
趁朝參

其二

迎燕溫風旖旎潤花小雨斑斑一炷煙中得意九衢塵
裏偷閒

焚香

金高憲

金少四尺
卷二百二十
茉莉花心曉露薔薇萼底溫風洗念六根塵外忘言一
炷煙中

其二

滿地落花春曉一簾微雨輕陰正要金蕉引睡不妨玉
隴知音

其三

紙帳收煙密下松皮卷火常虛午寂春閒小睡人間自
有華胥

其四

沈水濃熏甲煎宮梅細點波津
奕奕非煙非霧依依如幻如真

七言絕句

宮詞

唐王建

雨入珠簾滿殿涼避風新出玉盆湯
內人恐要秋衣著不住熏籠換好香

薛舍人見徵恩賜香并二十八字同寄

唐吳融

往歲知君侍武皇
今來何用紫羅囊
多緣有意重熏裊
更灑江毫上玉堂

春雨中偶成

宋張耒

春陰只與睡相宜
卧聽鳴禽語復飛
一縷斷香浮不散
何人深院晝熏衣

邃老寄龍涎香

宋劉子翬

瘴海驪龍供素沫
蠻邨花露浥清滋
微參鼻觀猶疑似

全在爐煙未發時

燒香

宋楊萬里

小閣疎櫺春晝長
沈煙半穗弄輕黃
老鈴略不知人意
故故褰簾放出香

宮詞

宋花蕊夫人

會真廣殿遶宮牆
樓閣相扶倚太陽
淨甃玉階橫水岸
御爐香氣撲龍牀

其二

安排諸院接行廊外監周回十里強青錦地衣紅繡毯
盡鋪龍腦鬱金香

其三

曉吹翩翩動翠旗爐煙千疊瑞雲飛何人奏對偏移刻
御史天香染繡衣

從希顏覓駕耨香

金元好問

綠洋奇亦賽濃梅永憶熏爐試淺灰尤物也知人愛惜
簾篩風動只縈回

其二

自倚詩情合得消暮寒新火覺無聊懸知受用無多在
試往新詩乞斷瓢

焚勝梅香

元劉秉忠

春風吹滅小檠釭夢斷爐香結翠幢檐外杏花橫素月
恰如梅影在西窓

午寢

元元淮

鶯來踏碎亂紅翻盡日簾垂晝永間午睡覺來香味遠

金猊猶有鷓鴣斑

題露臺夜炷圖

元揭祐民

赭紅清夜露臺香
月冷銅人正耐霜
心事意知惟密訴
帝青天語近琅琅

是年五月扈從上京學宮紀事

元周伯琦

鷓鴣斑百和作堅材
翥鳳翔龍四辟開
寶地曉張香積界
始知天子是如來

春寒

明 鄭 韶

十日春寒早閉門
風風雨雨怕黃昏
小齋坐對黃金鴨
寂寂沈香火自溫

南郊雜韻

明 陸 容

仙韶隱隱落空濛
臺下傳呼拜啟同
知是燔柴禮初獻
沈香火起燭天紅

御定佩文齋詠物詩選卷二百二十